



# Nomsa ya bohlale

Zandile Malaza

Simon Mokoena





Motseng wa Manyosi ho ne ho ena le ngwanana ya bohlale ya bitswang Nomusa.

O ne a dula le nkgonae yeo e neng e le mohwebi wa poone.

Batho ba bangata motseng oo ba ne ba sa tsebe ho bala le ho ngola. E ne e le bahwebi.




Nomusa o ne a rata sekolo, mme nkgonae o ne a le motlotlo ka yena.

Ka mehla ha a etswa sekolong, nkgonae o ne a mo fa mosebetsi.

O ne a tshwanetse ho lelekisa ditshwene le dinonyana tse neng di eja dijalo tsa hae.





Nomusa o ne a thatafalla ke ho lelekisa ditshwene le dinonyana letsheare kaofela.

O ne a haella ke ho qeta mosebetsi wa hae wa sekolo.

Bana ba bangata motseng ba ne ba sa ye sekolong hobane ba ne ba tshwanetse ho ya masimong letsatsi lohle.





Ha nako e ntse e tsamaya, Nomusa a kgathala ke ho lelekisa dinonyana le ditshwene masimong.

“Ke na le mohopolo o bohlale,” a nahana.



Nomusa a tlamella dithupana mmoho. A kwahela dithupana ka heme ya hae mme a tlamella sekhethe sa hae mahareng.

A tshwara dithupana di otlohile yaba o di rwsa katiba ya hae ya mosebetsi.

E ne e le setshosa!



Nomusa a beha setshosa mahareng a masimo.

“Hona ho tla nka sebaka sa ka ha ke ntse ke etsa mosebetsi wa ka wa sekolo,” ho rialo Nomusa a bososela.





Tsatsi le leng le le leng, o ne a nka mokotlana wa hae wa sekolo sephiring ho ya masimong.

O ne a apara yunifomo ya hae mme a apesa setshosa diaparo tsa hae tsa mosebetsi.

O ne a etsa mosebetsi wa hae wa hae tlasa moriti wa sefate.



Matsatsi a ya mme Nomusa a nahana, "Nkgono a keke a elellwa mohopolo wa ka o bohlale."

Nomusa o ne a thabile a bile a maketse.

Ditswhene le dinonyana ha di a hlola di tla masimomng.



Motsheare o mong, nkgona Nomusa a ya masimong ho kga poone.

Ho ne ho kgutsitse masimong. Ho ne ho se ditshwene kapa dinonyana.

Nkgono a nahana, "Nomusa o etsa mosebetsi o motle."





Nkgono a hweletsa, “Nomusa! Nomusa! O ho kae na?”

Ho ne ho se karabo.

Yaba o bona setshosa mahareng a masimo se apare diaparo tsa Nomusa.



Ha nkgono a eellwa seo Nomua a se entseng, a ba motlotlo ka setloholo sa hae.

A nahana, "Bona ke bohlale. Setloholo ha se a tshwanela ho ba masimong le ho lelekisa ditshwene le dinonyana."



Batho bohle motseng ba rata kelello ya Nomusa. Ba qala ho sebedisa ditshosa masimong a bona.

Setshosa sa tebela ditshwene le dinonyana masimong.

Yaba bana kaofeela motseng ba kgona ho ya sekolong.





Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA  
INSTITUTE FOR  
EDUCATION AND  
RURAL DEVELOPMENT



Your attribution should include the following:

Title: Nomsa ya bohlae

Author/s: Zandile Malaza

Translator/s: Nthabiseng Tsatsi


Illustrator/s: Simon Mokoena

Assurer/s: Mathapelo Morake

Language: Sesotho (South Africa)

© Zenex Foundation - Saide 2023

CC BY includes the following elements:

BY  - Credit must be given to the creator

